



سلطان بایزید خان ثانی حضرت تارینک بر غزل شاهانه لری ۱۱

دام زلفکله باشه دایم بلا ، اکسک دکل
 خشم چشمکله دله هر دم جفا اکسک دکل
 سروا سرو بلندک سر فراز اولماغیون
 جان ودلن روز و شب وردودعا اکسک دکل
 سن وفا و خلق ایله عالمده مشهور اوله لی
 دهر ولرده سکا مدح و ثنا اکسک دکل
 نیجه کیم کون ، یوزوکه اولدی مقابل دیدیلر
 جمع حسنکده سنک کوندن ضیا اکسک دکل
 حسن ایله خورشید انور چاکرک لایق میدر
 تجاسکده دمبدم بر بدلقا اکسک دکل
 وصل ایله عیش ایلش کرچه رقیم ، هجر ایله
 حمدلله بزده ده ذوق و صفا اکسک دکل
 اولدرسه غم سنی یار نه غم چون هر زمان
 بیک سنک کبی کدا (عدلی) اکا اکسک دکل



قانونی سلطان سلیمان خان حضرت تارینک نظیره شاهانه لری ۱۲

کرچه کیم خلق جهان ایچره بلا اکسک دکل
 جمله سینه ایریشن غمدن بکا اکسک دکل

[۱] سلطان بایزید خان حضرت تارینک ملت کتبخانه سینده یازمه و قدیم دیوان شاهانه لری و متعدد خط دست هایونلری و برچوق قیمتی کتابلر ظهرنده نقش خاتم ملوکانه لری موجوددر .

[۲] قانونی سلطان سلیمان خان حضرت تارینک هر برینه قیمت تقدیر اولنه میه جق درجه ده اوچ عدد ترکجه و بر عددده فارسی دیوان شاهانه لریله خط دستیه محرر طفرای هایونلری و متعدد قیمتی کتابلر ظهرنده نقش مهر شاهانه لری ملت کتبخانه سینده موجوددر .

صانع کز فرهاد و مجنون کتیدی بو عالمی
عشق شاهی دولتنده مبتلا اکسک دکل
زاهدا شرعه مخالفی دکل بوايشلرک
خانقاه ايچنده مردم هوی وها اکسک دکل
توبه لرایله کنامه طوت اميدک حضرته
کورورم سنده دلاخوف ورجا اکسک دکل
یوزقراسن بو (محبی) کوزلرک یاشی ایله
بوله سک برچاره جون چشمکده ما اکسک دکل



سلطان احمد خان اول حضرتلرینک نظیره خسروانه لری [۱]

باشمه کوندن کونه دردوبلا اکسک دکل
کاهی عشق یارایله جور و جفا اکسک دکل
آلدی عقلم عاقبت مجنونه دوندردی بی
یارمک یاننده اعدا دائما اکسک دکل
موجه خوبانه اگر باقسمده تسبیح ایلرم
دلده هیچ بوجه ایله ذکر خدا اکسک دکل
نوبهار اولدی کوکلر هپ یرندن اوینادی
باغده صیت و صدا ذوق و صفا اکسک دکل
(بختیا) فرهادوش طاغیر ایچنده یوری سن
برصاچی سنبل لی شیرین سکا اکسک دکل

[۱] سلطان احمد خان اول حضرتلرینک دیوان شاهانه لری و خط دست
نعلو کانه لری ملت کتبخانه سنده موجوددر ..

